

محمد عمر أبو زيد

روح
سابقة في الملكوت

أشعار بالعامية المصرية

٢٠١٩



الكتاب

عنوان المؤلف : روح سابحة في الملكوت
المؤلف : محمد عمر أبو زيد
التصنيف : أشعار بالعامية المصرية
رقم الإيداع : ٢٠١٩/٥٩٧١
الترقيم الدولي :
عدد الصفحات : ١٠٠ صفحة
رقم الإصدار الداخلي : ٣٦٣
تاريخ الإصدار الداخلي : ٢٠١٩ ، طبعة أولى
تصميم الغلاف والتنسيق : الشاعرة منى الغريب

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب إلا بموافقة كتابية وموثقة من الشاعر

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 - تليفاكس: 020554372901
nagyeegy200064@gmail.com
alnilwaalfourat@gmail.com
الفرات الرئيسي: م.م. محافظة الشرقية - العاشر من رمضان - مجاورة 13 - امام سنتر الد13 - مقار 304

إهداء

إلى الفجر الذي طال انتظاره

حتى تركت فينا الظلمة أثرها في الشوف

إلى كل من يحلم بإزالة غيوم الخوف

إلى كل بسمة و كل ضحكة عاشقة أسوار الشفايف

إلى كل قلب عرف سكة العشق ؛ وما عادش اليوم خايف

إلى أبي إلى أمي فكم عانيتم من أجلي

إلى جميع أخوتي

إلى زوجتي الوفية إلى أولادي عمر وأسماء وإهداء وياسين

إلى كل أصدقائي وزملائي

إلى كل مصر أهدىكم كلماتي

محمد عمر أبو زيد

مقدمة

الروح الراضية الصافية تتميز بالبراءة وبنور يكشف عن حقيقة المستقبل فترسم الطريق القويم أمام الآخرين، وتحسهم على الصبر، وتشجعهم على المثابرة والمنافسة في الأعمال الصالحة، وفي هذا الديوان (روح سابحة في الملكوت) نجد أن شاعرنا يحثنا على التطلع إلى مستقبل أفضل، وأن نحتفل بالإنجازات العظيمة مهما بعدت عصورها التاريخية ومدتها الزمنية في عمق التاريخ فإن تلك الإنجازات تعطينا الدافع إلى التقدم كما أنها في ذات اللحظة تشعر العدو بهزيمته وانكساره، ويستخدم الشاعر كلماته اللغوية الصادرة عن إحساساته الداخلية بنفس لهجته العامية التي يستخدمها أبناء القرية ليكون أقرب إلى قلوبهم وإلى لسانهم الذين يتحدثون به، فنجد أنه يستخدم صوراً وتجسيدات نابغة من ظلال الريف ، حيث الشوارع المملوءة بالأشجار والتي بنت العصافير أعشاشها فوق أغصانها الخضراء نظراً لهدوء الريف وسكونه وأصواته التي تبعد عن الضجيج ، فتشعر وأنت بين تلك الشوارع الريفية وأنغام العصافير تطرب أذنيك كأنك في حفل موسيقي تنشده الطبيعة، فيستخدم الشاعر كلمات تدل على تلك الطبيعة حيث الحقول والنسيم والسكينة مثل: عناقيد ، جناينكم، أرض بور . ويستخدم



تركيبات تدل على تلك الطبيعة القروية التي يعشقها الشعراء فنجده يستخدم تعبيرات مثل: (الشوارع، والبيوت، زكايب، الحيطه، غيطان، الجوامع)، وحول التاريخ وأهميته في رسم حياة الفرد وتطلعاته وعشق انتصاراته التي يتمنى الشاعر أن تعود اليوم انتصارات مثلها يقول: (وارجعوا للتاريخ ، قلبوا في الصفحات القديمة).

ويستمد الشاعر كلماته من موروته الديني وثقافته الإسلامية وإيمانه بالله عز وجل ونبيه محمد - صلى الله عليه وسلم - حيث نجد أن ديوانه يتضمن كثيراً من الآيات القرآنية الكريمة التي جاءت بنفس نصها مثل تضمين الشاعر لسورة المسد وآياتها في قصيدة له، كذلك ذكره لسورة الإخلاص وتضمينه لبعض كلماتها، وسورة يوسف وسورة عبس، في إشارات متنوعة عمل الشاعر على إيجادها في قصائد متعددة، أيضاً يذكر الشاعر العديد من أسماء الرسل عليهم رضوان الله عز وجل وسلامه عليهم، فمن أسماء الرسل التي ذكرها الشاعر في قصائده: سيدنا آدم، وسيدنا يعقوب، وسيدنا يوسف، وسيدنا أيوب، عليهم جميعاً الصلاة والتسليم.

ويشير الشاعر إلى العديد من الكلمات الدينية مثل إشارته وحديثه حول الذئب الذي اتهم بأنه أكل سيدنا يوسف عليه السلام، كما يشير إلى إخوة يوسف، وإلى زليخاء ، وإلى عصا سيدنا موسى عليه السلام يقول الشاعر في ذلك:



(وما تلك بيمينك

أيها العربي

سيف أم كأس

تفوح منه

رائحة النطاعة

تتوكأ على

خجل لم

يعد مستترا

فمن ذا الذي

نقض العهد

ومن ذا الذي باعه)

ويستخدم الشاعر في خلال ديوانه الموروث الثقافي والديني والتاريخي فيشير إلى الترانيم المسيحية والإنجيل، ويتحدث عن صلاح الدين، بالإضافة على أنه يستخدم الكثير من التراكيب والصور البلاغية الفريدة والجديدة؛ ليقدم لنا قصائده مكسوة بروعة الكناية والتصوير والتشبيه، في إبداع يجعل من الكلمات ذات رونق جديد وكأنك تسمع تلك المقاطع لأول مرة، فقد عمل الشاعر على تجديد الكلمة العامية

بإضافتها إلى تركيب لغوي يعمل على إحيائها وتجديدها
وبعثها من جديد.

وحتى لا يطيل الحديث لذا أترككم في (روح سابعة في
الملكوت) لتكتشفوا الآفاق التي يسبح فيها الشاعر.

.....

الشاعر والأديب / حمدي كوكب

تاهت مني الخريطة

للمموا لحننا

المتبعتر على

الخريطة

وبلاش كسوف

طعم الحروف..

في الحلق مالح

وتايه

من عينينا الشوف

» أيتها الخيول العربية

لست المغيرات صبحا

ولا العاديات ضبحا

ولا خضرة

في طريقك تمحي

ولا طفلاً
صار إن مررت
به يتتحي
صيري الآن تماثيل
في الميادين
صيري الآن قطعاً
من الحلوى
في يد الأطفال الرياحين
صيري الآن
في أيد الفقراء
أحصنة من طين» (١)
مسجون الفكر
جوه زنازين الأسئلة
ومين يفكفك

مقطع من قصيدة للشاعر الكبير / أمل دنقل " السنايك "

لينا الطلاس
ومين يجاوب
على المسألة
علمونا في..
الكتاب زمان
قبل ما نقرأ
في كتب الوزارة
على لوح صفيح
يعني إيه
كلمة وطن
يعني ايه...
كلمة جريح
يعني إيه...
ضمير يتهرس
وسط المخاوف



والآهات
يعني إيه...
حفر الخنادق
يعني إيه...
صوت البنادق
يعني كيف
تسلسل عدوك
جوه قهره بالنصر
اللي فات
الآن صرت
أخجل من أحرفي
من ذاك القلم
المستغيث
تختبئ عظامي
في حفر الصمت

فقد احتلوا جسمي

أبدلوا اسمي

بل ضافوا عليه ..

تاء التأنيث

ولساناً في اللجة يامه

ما إحنا عيدان من

بوص وهيش

متغربين

واحنا في حضنك

والجناح مكسور

وهو فاقد

كمان الريش

أسافر في القصائد

المسكونة بالغضب

تداعبي القوافي

ما بين استنكار
وأخر شجب
أمسح من وجنتيها
النُّعاس
فتتوارى الأحرف
خلف السحب
» أرفض
همس القصائد
أرفض
كل الأغنيات
أرفض
كل المدارات» (١)
مادامت الأحرف
تركض ...

(١) مقطع من قصيدة للشاعر الكبير "عزت الطيري" الأعمال الشعرية الكاملة، ط. الهيئة العامة لقصور الثقافة.

خلف سيف ..

من خشب

يا لهفة أب

لما يضيع

منه ضناه وأهله

تايهين في العهر

والتلهيس

راقدين

في غيبوبة

من زمان

شاربين

من كاسات إبليس

فوقوا يا خلق !!

مش هي دي

أصول العبادة

بننهش في
لحم بعض
وكيف نقول
عليها شهادة؟
وما تلك بيمينك
أيها العربي
سيف أم كأس
تفوح منه
رائحة النطاعة
تتوكلأ على
خجل لم
يعد مستترا
فمن ذا الذي..
نقض العهد
ومن ذا الذي باعه

نهش أشعة الشمس

على الليل الكئيب

لنطرد الوجد

المتسلسل

حتى اقتلاعه

على استحياء

تمتد أيدينا

لتلك الأبواب الموصدة

وخيول فقدت

كل سناجبها

وسيوف قد..

صارت مجهدة

وما زلنا نلتمس الأعذار

نسترق السمع

لحديث الأفئدة

أيا كل السامعين
الغائبين.. الحاضرين
العابرين ..
فوق أشلاء الوطن
هل ما زال
في جُعبتكم أحلامنا؟
فأحلامكم
صارت اليوم مخجلة
أيا أخوة يوسف
ألم يكفكم دمع أبيكم
وبراعة ذئب
من دماء كاذبة
وها هي جدران الجب
قد هيأت نفسها
ولفائف الدلو

قد صارت سلسلة
أيا ريح سليمان
ويا سيف صلاح الدين
قد سال دمع المدائن
والأحرف العربية
في وطني
لم تعد كائنة
ولسه تايهة
مني الخريطة
بس هي في
بيت الخواجة
قال هغير
في الملامح
وأرسم بإيدي
كل الحدود

بس أنا حافظ

شكل الخريطة قوي

مهما غيرتوا الملامح

أو بنيتوا حتى السدود

أنا حافظ

شكل الخريطة قوي

أنا حافظ

شكل الخريطة قوي

مهما غيرتوا الحدود

.....

عمدان كهارب

عمدان كهارب

قلبي

سلکها ساح

ولساكي مغمضة

ودانك عن كلامي

وأدي مركب الصبر

عايمة كما السواح

عالي الموج

ياسمرة

وكيف ابعتك سلامي؟

نعسان الندى

والنني خجلان

بابعت مراسيلي



بس أنتي
مني مسروقة
يا مين يقول
لعيونك إن أنا إنسان؟
ومن بياعين الصبر
بقيت يا سمرة
محسوبة
صفر قطر المحطة
لميت عزالي قوام
وهان عليك القلب
يبات في
نار محروقة
....

براح

إرخي ستاير رموشك

خلي ضحكة

عينيكى تبان

يتسرب براح السكة

ونقرب المسافات

بارت...

أراضي الصبر

يا هاويس العاشقين

وآدي قلب الحيارى

تايه مع التايهين

وطعم الحروف مالح

لمّا يلوموا الغزال

.....

دموع الصبر

قامت العركة يا قلبي

واشتغلت النبأيت

واتسرسبت

دموع الصبر

على مجرى الخدود

تاني

فاتوني وحدي

أنا وحيطان البيت

حادق

يا طعم الوحدة

تقيل

على لساني

.....

دمعة برواز

ما تسيبوا

زكايب الهم

مربوطة

ولا إحنا صورة

في برواز

على الحيطه

محطوطة

مش عاجبكم الكلام

مصاحبين

كراسي القهاوي

من أذان الفجر

ولحد العشا

مغمضين ودانا

عن الكلام الزين

عاشقين

دروب الخوف

ولا نعرف خشا

لساك معبّي الحلم

في أرايز

طعم حلمك

بقى مالح

ولا عادش فيه

الشفاف

لسه بأمشي

في الشوارع

والفكر مربوط

نفسي أفك القيود

بس للأسف ... خايب

بفقتل حبال الأمل
بس الزعف دايب
بسمع زعاق الطفل
بس الصوت ضعيف
يا دوب يعدي بحور
الحلق يموت
لأنه اتولد شايب
ولسه برضه
الكلام مباح
معلقين قلوبنا
فوق غصن
الغرام تفاح (١)
ملعون أبو البراح
لما يبقى

(١) مقطع من قصيدة للشاعر علي أبو المجد ، من ديوان هيكل سليمان ، إصدار الهيئة العامة للكتاب.

ورا الشيش

بريش رموش الفجر

يا صاحب المفتاح

سنين العمر

لساها منقوشة

على الحيطه

ومين فيكم

هيمسح

دمعه البراوز

.....

شجرة توت

واتغيرت

شكل الملامح

واتبنى جنب بيتكم

شوية بيوت

لكن لساها قاعدة

شجرة التوت

لساها مكسية

بتوب زفافك

وشعاع القمر الخجلان

رافض بعدك

أنا ليه ؟!

مين بعدك

غير القلب المرسوم

بضفاير شعرك

على جدران

شجرة التوت

لساك فاكراً؟

ما أنا رافض

يا حبيبتي النسيان

رافض السدود

رافض الحدود

رافض بُعد المسافات

لسه في يدي

جواز سفر باهت

باهت من تراب الأيام

لكني بأبعت مراسيلي

على قلبك المرسوم

على شجرة التوت

صوت المدافع

وحياة صوت

المدافع

عنك أنا

راح ادافع

وأرسم خط الحياة

لاضم رصاص النصر

سبحة لسلاحي

وسلاحي

مهما يتغمى على الضفة

تلاقيه صاحي

غازلك توب النجاة

غازلك

توب النجاة



آسف حبييتي

يا ضحكة
العمر اللي عدى
ما فضلش
مني غير همهمات
ولسايا صابر على
الشدايد والمحن
ولا قلبك أنت
عمره حن
ولا حتى سابني
من سكات
شربت وسكرت
من كاسات صبرك
زرعتيني

صبار شوك
في غيطان أرضك
شایل جراحك
بين حنايا الذات (١)
كل الحروف
الأبجدية في الحلق
مخنوقة
والأحاسيس والمشاعر
من لهيب
البعد محروقة
خلص الكلام
ولسه
عيونك متكحلين
بدموع الوجد

(١) من ديوان هيكل سليمان، للشاعر علي أبو المجد

ملعون أبو الحيرة
لما تفرد خيوطها
على الجدع
متكعبة الخطاوي
في حزن
دواير لا غتراب
لساها بتدور
على الأمل
والصبر زاد
عدى حدود المحتمل
والعمر اتسرق
وأنا لسه بأهرب
للسراب
ساقية ودائره
والكل فيك داير

آسف حبييتي
كان نفسي
أكون عقارب ساعة
في الزمن اللي فات
يمكن كنت اقدر
أوقف عجلات الزمن
على ضلك
يدوب فيا سور
المسافات
آسف حبييتي
لأن الوقت فات
.....

لساكِ متربسة كل البيبان

بلدنا لسه معاندة

بعضها

ما هو كل حاجة

وعكسها

عتبات بيوتنا

تشتكي

ذل الغريب

لما بيلمس أرضها

نصبوا المشانق

حفروا الخنادق

اللي يقول أنا ابنها

لفانا دايرة لاغتراب

واحنا لسه في حضنها

والناس سكوت

حتى الشوارع والجوامع

والبيوت

ما هي دائرة كدابة

مصنوعة

من خيوط العنكبوت

واقفين قصاد الحيرة

متربصين

مع إني عارفك

وانت عارف

أنا ابن مين

ما كفاية موت

ما كفاية موت

مخنوقة الحروف

وهي على طرف

اللسان
راكبين قطر البعاد
حافظين
غناوي الملامة
ويوم القيامة
الكل واقف
قدام رب العباد
للي ابتدى
واللي انتهى
تتار وسارح
بينهش كل البيوت
ولا حد عارف منتهى
يا براح السكك
بشويش على خطوة اللفان
إحساس غريب

لوجع الخطاوي
وهي ماشية
في سكة التوهان
والعمر انسرق
وادينا راقدين
على دكة الأيام
بنحلي
مرار الحقيقة
بشوية فذلكة
ونحلي زهور
الكذب بشوية أنتكة
ومساحة
الكذب تسمح
بتربسة الدماغ
ولسانا عاشقين

لصوات التكتكة

ملينا من...

كاسات الوسوسة

لسه التلاقي

فارد خيوطه

على كل البيوت

بس إحنا

متربسين كل البيبان

ويا عيني

على تحجيرة

الخل في الجفن

لما يبات

والفكر شارد

في مولد المراجيح

ولما يفوق

ريحة النطاعة

تفيح

تعالوا بينا

نعدل المايل

في كفة الموازين

ونعدي

نخطي بحور

كل الحذر

نروي

شجر المودة

ونجبر بخاطر

كل قلب

فيينا اتكسر

نفرد شباكننا في السما

نصطاد نجوم



ما تتأثرش من النظر

ونزريح

الستار للضيّ

من وش القمر

يشرق

شعاع الأمل

على كل البيوت

فتتفتح

لينا كل البيان

.....

لساك يا فكر

لساك يا فكر

محاوطني

وحابس...

اللهفة جوه

سجن البدن

مشحتف معاك

الروح منين

ما تروح

وشمل الجثة

متمزع

بلا عنوان

بلا سكن

مطير

عصافير الوداد
من بناني الروح
ودايبة
سنين العمر
في بحر الشجن
متعبة خطاوي الضحكة
بتعافر لأجل
توصل للشفاف
مشمر دراعاتك
لأجل تتوضى
من دموع القلب
وهو خايف
ملعون
أبوها الشفاف
اللي ترسم ضحكة

بلون الرماد
رمياني في حضرة
ال دراويش
وهي طالقة
بخور البعاد
» ما حليتش
يا فكر ما تسيبني
مالك بيا « (١)
أقوم من النوم
وأصحي على تنهيد
مخربشة كل الضلوع
بقيت موضوع
حتى حروف القصايد
ما رحمتهاش

(١) مقطع من أقوال الشاعر محمود عمارة، الشطوري - قرية شطورة - سوهاج شاعر فن الواو
في الستينيات من القرن الماضي.

أنين بتصلي
في محراب السطور
بخشوع
لساك يا فكر
بتبعتر في سنين العمر
واللي فاضل مني
شوية فتافيت
ياما نفسي
في كلمة تبل الريق
لساك محاوطني
بتوب الحيرة
والقلب مل
من كاسات الضيق
فكر ببلاش
فكر مدفوعه

فيه سنين العمر

بالتقسيط

فكر فارش بضاعته

على الرصيف

فكر متحصن

من برد الشتاء

وحر الصيف

فكر سكران

من كاسات التوهة

لا هو خايف

من حد الرجم

ولا هو خايف

من حد السيف

.....

عرفتوا احنا مين

لساك ناوي

تهدر دمي

طيب

مين إداك

صلاحية الأمر

واسأل نفسك

ألف سؤال

مين في

ضالك راح

يسمعلك

غير إبليس

مين في

الآخرة راح

يشفعك

وانت مابين الخلق

تعيس

مين إداك

صلاحية الأمر

عايش نايم

في البهتان

شارب

كل أنواع الخمر

إحنا اللي

عايشين بين

الناس بالونس

جرجس ومينا وسامي

ومالك ويا أنس

فيينا اللي حافظ

ترانيم إنجيله
وفينا اللي حافظ
سورة عبس
في الجوامع
يعلى الأدان
وفي الكنايس
دق الجرس
بس إنتو عايزينها
خرص
ناصرين كمين الغدر
في الأرض البراح
راقصين
على جنت الغلاية
العزل من السلاح
اللي في الجامع بيركع

واللي في الكنيسة

بيسمع

الكل في الشدة واحد

وهيا بينا

على الفلاح

جميع الكتب السماوية

رافضه وجودكم

رافضه الإنصياح

والخلاق

من أبونا آدم

رافضة الاستماع

ومهما تعزفوا

على وتر الوجد

الودان

رافضة الإيقاع



طريقكم
واخذنا
لسكة موت
بتحل دم الأبرياء
في الشوارع
والحارات
وبرضه لسه
الأسنة متلجمة
بحبل السكات
ملعون ابو اليأس
اللي ساكن
في الكهوف
فايحة
ريحة الغدر
منكم لما

تتعد الكفوف
وأرضكم
دي أرض بور
مش هتطرح
غير بكا
واللي يزرع
في الأرض دم
مش هيحصد
غير العدا
واللي يشعل نار
غضب
يبقى ضحية
لأنه هو المبتدأ
عناقيد الخوف
في جناينكم

فاردة خيوطها

على البشر

واحنا برضه

شعب

عاشق للسهر

أسهر

مع سلاحي

وأيدي دايمًا على

الزناد

إما نكون

أو لا نكون

إحنا عشاق

العناد

وارجعوا للتاريخ

قلبوا

في الصفحات القديمة

إحنا مصر

وشعب مصر

إحنا اللي قال

علينا ربنا في كتابه

ادخلوا مصر آمين

عرفتوا بقي:

إحنا مين

.....

عاشقة السكات

مين اللي

قال إنك شاعر

وبتحس

دبلانة

رموش العين

لما الدموع تندس

خجلانة الحروف

لما على سطور

الهوى تترص

نعسان القمر

وانت طول

الليل

بتغني ما حليتش



يا سهر
تعبت من الفكر
بعثرت
سنين العمر اللي فات
واللهفة جوه
سجن البدن بتبات
والحروف
عاشقة السكات
والعمر متشعلق
في دموع الفرح
اللي بتزغرد
ع الحدود
رافضة الحدود
وانت لساك راقد
ومتلاكك

في كوم قش
لملم اللي باقي
من عمرك
واحضن الأيام
لتبقى هش
الوش كرمش
يا صاحبي
ولساك غارق
في المحتمل
عديت الأربعين
ولساك
بتغازل الأمل
وايه العمل
والوجيعة
طالت

حتى الـركب
ومـد غـدش الشـوق
في نـن العـين
مـحـتـاج
مـسـاعـدة
يا طـبـيب النـظر
.....

بشويش

أنا المقهور

وأنا الخائف

ومعلق

على

صدري حجاب

وبتبعتر

برضه

في الرجائف

مش بدور

على منصب

ولا عايز

كمان كرسي

ولا باهتف

باسم فلان
ولا حد كمان
بيحرسني
وأنا
اللي زارع
أرضي
وطيني
ولما بيحي
الليل
ستره يغطيني
ودمع
الفرح في
عينيا راكن
ولسه القلب
متشعلق



بريحة الأماكن

وباغزل

من الآهات

خيوط الفرح

لzfافها

وبغير

أيوه بغير

لو حد

في يوم شافها

ما هي اللي

محتلة البدن

وضلوعي حراسها

ولو بصبص

عليها الخسيس

بأبقى

أنا سلاحها
ما تظرتقوا
ودانكم
يا مغمضين الودان
ملعونة أبوها
الخباسة
ملينا من عزف
التعاسة
أعتب عليكم
ولا أعتب
على الأيام
أعتب على نفسك
يا واد
لأنك طلعت بجم
شارب من

كاسات الخيبة

ولساك حاضن

حروف القلم

يا مطفئين

الفرح

في القلوب

بشويش

لسه القلوب

محتاجة

منكم طبطبة

.....

وش القمر

لما

يجي الليل

يرسم بعيني

صورتك

على وش القمر

وباتشعبط

في حبل الكلام

يهبذني

ضيّ عينك

ويرميني

في سكة سفر

كان مالك

ومال الحب

وإيه اللي

رماك في

بحر الغرام

انعس

مع الندى

أوشوش

ورق الشجر

وهمهمات القلب

تبعث ليها مليون سلام

هتلوموني

ولا تلوموا

القلب اللي دبل

واتبعتر على السكك

ولسه حوافر

حضرها

مخربشة
كل البيان
أفضل أحايل
الشوق فيه
من ثاني
من غير ملل
والبعد فاق
حدود المحتمل
نفسى فى
طلة من عيونها
تونسنى
ما هى اللى قالت
يا صبار
بتوحشنى
وأبوس

خُدود الورد
لأنه ميل
على خدودها
واشتاق
لبكرة الجاي
يفك قيودي وقيودها
واستنى
ميلاد الشمس
يمكن
يحن منها شعاع
يدفي
القلب السقعان
من برد السهر
الخييان
لكن

أنتِ زي ما أنتِ

لساكي

رامية شبك الكاميرا

بتصيدي

من العمر لقطة

تعلقها

على الحيطان

.....

لسعة عقرب

العوزة

بترفرف

فوق الكتاف

وشعاع الشمس

ناصب للعممة

مليون فخ

ملعون

أبوها العوزة

لما تشحتها

من شقيق

واللي يبسموه

في النسب أخ

يا قلة الأصل

لما يمد
إيد الإنكسار
لسعة عقارب
تسيب
في القلب
مليون شرخ
ليه بس
يا صاحبي
ما تمرش فيك
لبن الرضاع
تحفر بإيدك
قبر المودة
وتكسي البدن
توب الضياع
عشان

حَفَنهُ دَنَاتِير
تَقَلَّبَ الْحَقْ
فِي ثَوَانِي
وَتَلَبَّسَهُ
تَوْبَ الْخَدَاعِ
وَتَمَلَّا بِنَادِقِ
لِسَانِكَ خِرَاطِيشِ
تَطْلُقُهَا
فِي وَشِ الْغَلَابَةِ
وَيَقُولُوا عَلَيْكَ
أَبُو السَّبَاعِ
بَعْتَ ضَمِيرَكَ
بِحَبَّةِ قُرُوشِ
انْعَسْ وَحَدِّكَ
فِي الْأَرْضِ الْبُورِ

و شد لحاف الحيرة

هتستى إيه

من واحد

ماتت فيه

كل حاجة

حتى الغيرة

.....

ز عف قايد

الحياة

بتنصب لنا

كل يوم

مليون فخ

وعصفور العمر

سارح في الملكوت

وفجر العوزة

لساه

عاشق الشقشقة

والعودّة شادة

حبال المشنقة

أصحى من النوم

على أمل مصلوب

على جدار النخل

والزحف قايد

وبحر المواجه

فاض ..

غرق

جناين الصبر

وعكازه بقى زايد

لساك بتقول

عليا شاعر

واني بحس

مالح

طعم الدموع

في العين

لما تدس

خجلانة مني

حروف الهوى
والقلب عاشقك
أنت وبس
تعبت من الفكر
والوش كرمش
وأنا لسه غارق
في المحتمل
والشوف مدغدش
في نن
من غير أمل
وايه العمل
واللهفة جوه
سجن البدن
بتبات
ملعون أبوه السكات

اللي مشعلق
دموع الفرح
وهوه يزغرد
على الحدود
وأنت
زي ما أنت
رافضة الحدود
سرح الشيب في القلب
يا بنت الناس
وأنا اللي
طالبك ونيس
فما ترميش
في حضن
دواير لاغتراب
.....

روح سابحة في الملكوت

لسه

البراح شادد لحافه

على كل الخلايق

والقلوب

جوه سجن

البدن بتزّن

والروح بتسلّك

مسالك العارفين

تايهة في الملكوت

وآه من لسعة العشق

لما تمس الروح تنن

حلاوة الروح

في محراب البراح

بتوصل
لسدرة المنتهى
وتشاكل وراها
الخوف والقلق
وتحفظ أسرار الحروف
وترمي حمولك
على رب الفلق
ساعتها
بس تدوق
من طعام الملائكة
وتشرب
من كاسات الذكر والتسبيح
تعرف سر غياب الروح
ورعشة البدن
ولوعة التجريح

أيوب كساه الصبر

توب الفرح

ويعقوب

جاءله البشارة

في هوى الريح

ويوسف الصديق

صبر على الشدة

وفسر الرؤيا

فغنت جدار القصر

تفاريح

يا لاضم سبحة الأحزان

صلي على الزين بزيادة

تصفى الروح

في محراب العبادة

....

مدد

يا ناصبة
ميزان العدل
الحمل
مال ع الكفة
ومين يطبطب
على الغلبة
العشمانين
بزينات الفرح
والزفة
والدمع
عاشق محل عينك
لجل يوصل
للمحتمل

وإيه العمل
لما الريح
تعاكس قلوب مركبك
يبقى
إيه فايدة الدفة
ولسه الدموع
سائلة
على خد أحزانك
فكي
ترابيس الغضب
زلزلي حيطانك
افرشي شوارعك
بالفرح
وشدي
لجام التفاريح

يغني السرج
فوق حصانك
أنا المتغرب
في صوت الرق
لما بيغازل المدد
وأنا المتحصن
من شر الولايا
ومن شر حاسد إذا حسد
ليه ترسميني طير
مكسور الجناح
ليه بتستحلي
العياط مني
والدم ليكي مستباح
ملعون أبوها
زلتك

لما تكتبيني
في دفاترك
إن البعيد سفاح
كل الأضرحة
رافضة
ريحة البخور
وشجر الكافور السقعان
رافض شعاع الشمس
الباهت
ايه اللي
خلى شعاع الشمس
مش ثابت
مدلوق السكات
على اسفلت السكك
والأرصفة مخاصمة

خطاوي البشر
أتاريها سكة سفر
والقطر زاحم قوي
بيزلزل القضبان
والليل السقعان بيدفا
مع صوت الربابة
بس الوتر مقطوع
يا خيبة الأمل
لما يتعكز
على شيء ممنوع
وايه يعني لما حلمك
يموت م الجوع
وعينيك لو زاغت فكرها
بلسعة الكرباج
لما يتسرب منك الخوف

وتفك ضفاير روحك

فوق شوية ورق

لما يخونك

عكازك المحني

فتترحلق وتتعبيل

في شوية عرق

ملعون أبوه القلق

لما يلفّ

ويدور مع عقارب

ساعتك العطلانة

وأنت متمرغ

فيك كوم صبر

.....

زليخة

مين اللي

قال إن

زليخة ماتت

وريحة

خطاويها

لساها

حاضنة

تراب الطريق

كل العيال

في النجع

قالوا دا

اتهوس

إعمليلوا

يا خالة زار
وناس حواليه
تلف بطبله
وعلقوا في
صدره
حتة خرز
وقيدي البخور
يا أم الشعور
بشوية حبة ومستكة
هيطفش الجن
اللي راكب دماغه
بس إياكم
حد يجبله
سيرة البكا
وابتدى الزار

رقيتك واسترقيتك

يا ابن بطني

من عيون كل البشر

من عين زليخة

وعين عزيزة

وعين فريدة

واستفيدة

ورشا

والبنت اللي

اسمها سحر

رقيتك من

كل الفواصل

رقيتك من إشاعة

من ضجيج

قطر البضاعة

من العقول المستخفة
ومن أحاديث الإذاعة
رقيتك واسترقيتك
زي ما قال
جذك رفاعة
رقيتك واسترقيتك
ومن شر حاسد إذا حسد
وبآيات سورة المسد
ومن شر فاسد
إذ فسد
وأنهي كلامي بـ
قل هو الله أحد
يا أمي
أنت صدقتي
العيال

أنت مش
عارفه الحكاية
من البداية للنهاية
القلب متحاصر
بمليون تنهيدة
مكشوفة حيطان
زنازينه
لكنها عنيدة
أنا ابن الصبر
اللي هارسني
في قلب
رحايته القديمة
أنا قلبي
لسه مستخبي
في ريحة



دولابها
وبتعكر
على صوتها
لما الهم يوجعني
وأنا بأعزف
ع الربابة دلال
وهي الوحيدة
بتسمعني
لبسوها
يا أمي الكفن
ودهنوا كل البيوت
من دمها
وقالوا عليه
أجمل سكن
غربلوا روحها

وهيا لسه
سارحة في البدن
مرمغوا
كل القلوب
في التراب
أتاري التراب
متعاص
شجن مكتوب
علينا إننا نعيش
كل المحن
ولسانا بنحفر
في الخدود
مجرى الدموع
ونتوضا
من دمها السائل

وبمحرابها

نقف صف

نصلي

بخشوع

ياما

نفسى القلب

في يمها

يأخذ غطس

يغسل

هموم الوجع

لكنه للأسف ممنوع

.....

التعريف بالشاعر

- الاسم : محمد عمر محمد احمد أبو زيد
- وشهرته محمد عمر أبو زيد – قرية شطورة مركز طهطا محافظة سوهاج
- تاريخ الميلاد : ١٩٧٥/١١/٤
- يعمل محاميا بشركة النيل لتسويق البترول فرع سوهاج
- حاصل على المركز الاول على محافظة سوهاج فى مجال الشعر العامى بمسابقة الشباب والرياضة لعام ٢٠٠٢
- حصل على المركز الاول على اقليم جنوب الصعيد فى مجال الشعر لعام ٢٠٠٢
- مثل اقليم جنوب الصعيد فى مسابقة الشباب والرياضة وحصل على المركز الثالث على مستوى الجمهورية فى مجال الزجل فى دورى مكنتات مراكز الشباب على مستوى الجمهورية
- حصل على المركز الثانى فى مهرجان شباب مصر فى الفترة من ٧/٦ الى ٢٠/٧/٢٠٠٣

- تم تكريمه من وزارة الشباب والرياضة د / على الدين هلال بمعهد اعداد القادة بالجزيرة
- أذيعت له قصيدة بالقناة الثامنة فى حفل تكريم المتميزين والاولائل والحاصلين على درجة الماجستير والدكتوراه فى مؤسسة اصدقاء الشيخ عبد الله احمد عبد الحليم سنة ٢٠٠٩ بقرية شطورة
- تم تكريمه فى جريدة المساء بالتعاون مع الحزب الوطنى بسوهاج ومركز شباب شطورة فى شهر رمضان عام ٢٠٠٩
- تم تكريمه فى العديد من المؤسسات الثقافية والعلمية مؤسسة اصدقاء الشيخ عبد الله الخيرية بالتعاون مع نادى شطورة الرياضى
- وتم تكريمه فى معهد فتيات شطورة وحصوله على شهادة تقدير لتفوقه فى مجال الشعر العامى
- تم تكريمه فى جمعية النهضة الثقافية بشطورة لتفوقه فى مجال الشعر العامى
- تم تكريمه فى مدرسة شطورة للتعليم الاساسى فى حفل الامتياز والجودة

- الحصول على شهادة تقدير من وزارة الاعلام ومركز اعلام طهطا فى مهرجان الشعر فى ٢٠٠٢/١٠/١٧
 - الحصول على شهادة تقدير من جمعية الثقافة من اجل التنمية فى ٢٠٠٧/٨/٣
 - حصل على شهادة تقدير فى المهرجان المجمع بمركز شباب شطورة عام ٢٠٠٨
 - حصل على شهادة تقدير من الحزب الوطنى بسوهاج لتفوقه فى مجال الشعر عام ٢٠٠١
 - وأشاد به النقاد المتخصصين فى مجال الشعر وأشاد به الروائى وائل سليم عباس عضو اتحاد كتاب مصر الحاصل على جائزة احسان عبد القدوس فى الرواية القصيرة عام ٢٠٠٨.
 - له ديوان مطبوع (بين الضحكة والعياط) دار العليا للنشر والتوزيع، وله ديوان بعنوان (لحظة سكات)، وهذا ديوان (روح سابعة فى الملكوت).
- تليفونات

٠١٠٣٠٤٧٤١١١

٠١٠٠٨٣٩٨٢٠٠

الفهرس

م	القصيدة	الصفحة
١	بطاقة الكتاب	٢
٢	الإهداء	٣
٣	المقدمة	٤
٤	تاقت منى الخريطة	٨
٥	عمدان كهارب	٢٠
٦	براح	٢٢
٧	دموع الصبر	٢٣
٨	دمعة برواز	٢٤
٩	شجرة توت	٢٨
١٠	صوت المدافع	٣٠
١١	آسف حببتي	٣١
١٢	لساكي متربسة كل الببيان	٣٥
١٣	لساك يا فكر	٤٢
١٤	عرفتوا احنا مين	٤٧
١٥	عاشقة السكات	٥٥
١٦	بشويش	٥٩
١٧	وش القمر	٦٤
١٨	لسعة عقرب	٦٩

١٩	ز ع ف قايد	٧٣
٢٠	روح سابحة في الملكوت	٧٧
٢١	مدد	٨٠
٢٢	زليخة	٨٦
٢٣	التعريف بالشاعر	٩٤
٢٤	الفهرس	٩٧